

lat. rec.

1195


MELCHIORIS BRELERI  
*Philosophia Magistri, & P. C.*  
*Polyglottophili*

CHEDIAS-  
MATVM IVVENI-  
LIVM

Prodromus.

Ad Dominum  
JANVM CHRISTOPHORVM  
GRÆTERVM

*Amicum Meum Magnum,*  
¶  
*Ex Recentioribus Sinceriores.*



ALTORFII  
*Apud Cunradum Agricola.*

M D C X L

AMICORVM OPTIME,  
OPTIMORVM AMICISSIME.

Nota est illa Poëtae cuiusdam Flori apud Spartianum  
vita Adriani jocularis & mollicula cantilena.

*Ego nolo Caesar esse,  
Equitare per Britannos,  
Scythicas pati pruinas.*

Nota quoq; Imperatoris salsa & faceta responsio:

*Ego nolo Florus esse,  
Ambulare per tabernas,  
Culices pati rotundos.*


Mihi si quis proletarius ac ex aulularia effigiatus argilla Mo-  
mus seu frugis-perda occinat:

*Nolo poeta haberi,  
Vatesq; nominari,  
Aut versibus vacare.*

Erit confestim in mentem, quod regeram.

*Nolo balatro haberi,  
Fungusq; nominari,  
Aut naniis vacare.*

Conatus sum enim id ipsum scripto hoc meo, ut non Poë-  
tico, Musæo certe, ostendere. Quod ut ad te etiam potissi-  
mum inuiseret, fecit amor & adfectus. metus verè Magnum  
in te amicum meum. Magnum. Vale.



DRAMA QVATVOR  
HVMANARVM ÆTATVM.

PVERITIA.



Vam bene gyrato se fuso turbinat isthæc  
Actas nostro modò? q̄ molli è vellere filum hoc  
Extractum infantile levem glomeratur in orbè?  
Quam placidè currunt anni? quam suaviter albis  
Hora fugit pedibus, melioreq; truditur hora?  
Cum neq; secretas exfugens lenta medullas  
Carnificina animi me sollicitudo flagellat  
Verberibus surdis, semperq; superstitè morfu.  
Sed veluti in riguo qui flos enascitur horto,  
Et vernam picturat humum telluris ocellus,  
Mane caput tenerum nocturno rore gravatus  
Exuitur calice, in primæ que crepuscula noctis  
Vernat, & Hiblæam pascit melligine pubem;  
Pubem operatricem & magnæ miracula matris;  
Sic ego curarum expertes emetior annos  
Cunctaq; magnorum genibus permitto Deorum,  
Divorum atq; hominum simul illibata voluptas,  
Et dubitem hoc quod ago reliquis ætatibus ævum  
Curribus & rapidis citus anterulisse quadrigis?  
Credo equidem, atq; adeo hoc etiam ore ediffero; Nulla  
Aut mage chara Deo, aut homini est magis utilis ætas,  
Quam nostra hæc niveo velata Infantia panno.  
Hoc ego, quantumvis rigido sub iudice certes,  
Afferere, & solidis ausim contendere verbis.  
Ecquid enim memorem ut mundo sub nocte sepulto  
Cimmeria, quando vetiti fatalia pomi  
Impia luxistis clauso mala seculo celo?  
Quando exempta iugo, & validis exuta catenis  
Tyiphone umbrarum eluctata abs sedibus imis

Vectabat densas in stagna Acherusia prædas:  
Illaq; iam gentes pestis vulgata per omneis  
Nil profecturas ridebat Pæonis artes;  
Quinempè id memorem, tunc ut miseratus acerbam  
Humani hanc generis sortem DEVS, ille DEVS fons  
Principiumq; boni, celfo delapsus Olympo,  
Et mortale sibi spoliū exuviasq; coaptans,  
Induerit puerum, & pueri sub schemate cunis  
Luserit, ac balbas vagitu impleverit auras?  
Adde quod, ut teneris maius decus adderet annis,  
Vtq; suos puèrili ævo cumularet honores,  
Bis senas tolerans hyemes, ad legis avitæ  
Præscriptum & normam, Solimæam ascenderit urbem,  
Immixtusq; globo Doctorum, Doctor & ipse,  
Incluta magnorum reseravit carmina vatū,  
Pandideritq; sui divina oracula patris,  
Interpres genuinus & idem proximus autor?  
Scilicet hæc nostræ decora immortalia gentis  
Extabunt, seros & posteritatis ad annos  
Vivæ insculpta cedro transibunt nescia fati,  
Iam quæ vel sincera magis, vel sanctior ætas  
Humanò obtigerit generi? Dum nempè senectam  
Divitiæ exercent positiq; in foenore nummi;  
Quiq; indefessis pernox & perdius alis  
Corda catenatis lentè emorientia curis,  
Et fractos ægrosq; animos circumvolat angor,  
Dumq; rogata & firma ætas; vel turgida fastu  
Iam partos propter titulos & ludicra laudum  
Syrmata, maiorem si fors offenderit, atrum  
Continuò liver cæcoq; in pectore stellat;  
Vel si fortè parem aut etiam quandoq; minorem  
Inveniat, tum ranarum de more tumescens  
Inflatur geminas buccas, & lumine torvus  
Limo utrimq;, ampullatur; Prætoria iactans  
Verba, Tribunitio vel quæ sint congrua fastu,

Emendi.

Emendicatis se mango coloribus ornat;  
Iam quid te memorem fatuam & rationis egeritem,  
Cui comes est error gravis, Ignorantia præceptis  
Auspex, cui manudux Lascivia furda, Iuventam?  
Quæ tam dissimilis tibi met, tam dispar er. & exlex,  
Vertumno proprium statuiffe videre facellum:  
Iam suscepta semel damnans, damnataq; rursum  
Suscipiens, quavis bellè variabilis hora.  
Quæ postquam vitulata diu & juvenata fuisti,  
Terga tibi duro scindit Metanæa flagello.  
Ast ego nec curis excarnificatus acerbis,  
Fronte hilarâ innubiq; supercilio, satur intra  
Me maneo, & fatuis nunquam me macero votis:  
Ad nullas grassatus opes, grassatus honores.  
Iam dum sæpe viri & iuvenum temeraria classis  
In turmas distincta suas, certisq; locata  
Sub signis, spes agricolæ & vota irrita ferro  
Et flamma metit, in fontumq; in prædia sævo  
Grassatur lymphata Deo; Argillacea nobis  
Pergamæcæmento graphice ædificantur inempto.  
Nunc juvat exiguos postello ad jungere mures,  
Nunc totas acies numerosa educere pompa  
In campum, quernis Martemq; laceflere telis.  
Quod si ist hæc inter Samia prandere patella  
Aut caules datur, aut pultem de flore farinæ,  
Tunc neq; cum lauto cupiam cænare Tonante,  
Nec quæ nectareo curantur Numina mulso,

## IUVENTVS.

P Apæ! tam doctè quisquam mihi vagiat infans,  
Pugnet Achilleis & in hostem Martius hastis;  
Et nec dum Tyrio incedat spectabilis ostro,  
Integra de extrema comedatq; tragemata mensa?  
Quod si olim teneram juglandem, ac mitia poma,  
Et iam maturis lectam de vitibus uyam,

Fas erat ante aras tibi deposuisse Priape,  
Ob custoditi fœcunda novalia campi,  
Vel mage ob Autolycos pullos & inertia furum  
Agmina; crede mihi puerorum exercitus omnis  
Admittet vè grande nefas ferulaq; piandum;  
Si tibi vel fœtis raptos à matribus hædos  
Ad lusum; vel si metam tibi lactis, ad esum,  
Nequaquam parcam tenuemve adferre morantur.  
Quod te defensore suas pueritia laudes  
Servat adhuc, nec læsa illi sua gloria constat.  
Nos verò digni Anticyras sorbere meracas,  
Infœlix, fatua, agnatis sistenda Iuventus,  
Sarcinulis læctis Gyaras migremus, & istum  
Ponè relinquamus Divis infantibus orbem.  
Scilicet his rerum summas nos credere, jura  
Tradere, & eximios fas est submittere fœces;  
Consiliis qui egressi annos sapientibus, ipsos  
Ore gerunt Dictatores sanctosq; Catones.  
Nos vero mediastinæ fœx infima gentis,  
Cappadocum atq; Syrorum his ancillabimur instar.  
Ipsus ego extremæ classis Scoparius ibo,  
Aut vetulam Dominò puero præbebo matellam,  
Scilicet hoc strigilem præfractam, hoc sordida scruta,  
Mucosam soleam & turpem est laudare lacernam,  
Quam neq; prima suam cupiat pila esse Suburræ,  
Et non te mirer dum sequipedalia verba,  
Et Periclæa gravi jacularis fulmina dextra,  
Irati horrendos tonitrus imitatus Olympi?  
Nimirum nisi ego hanc tibi detraho pûsio larvam,  
Hasq; tuas nihili voces, mediâq; profœucha  
Emendicatas ampullas differo flatu  
Non plus uno, istum digitum tibi porrigo victus.  
Nam quod te dignum gemina Iovis aure locutum  
Tunc rebare aliquid, quando illa crepundia, pupas,  
Sordidaq; obscuro surgentia Pergama limo,

Et mures

Et mures opicos, & post hos prælia querna  
Iactabas; Id tu ferulam meruisse negabis?  
Si præceptorî narrasset anilia surdo  
Hec aliquis risum venatus, nonne petulcam  
Huic nugatori debebat betula pellem  
Picturare, rubris tergum & variare figuris?  
Sed quoniam nostris ingesta hæc auribus, æ quo  
Iam stomacho concocta chilum fecere, licebit  
Ire modo, & veniam me condonante fruisi.  
Tu verò magno proles dilecta Tonanti,  
Digna parente tuo, & genere isto digna, Iuventus;  
Flos hominum, humani lepidum ver-temporis, æ vi  
Mortalis ros, & vitæ fugientis ocellus,  
Tam semper reliquis ætatibus anteis una,  
Quam frontem candente peplo redimita decoram,  
Pone satellitium facularum immane sequentum  
Exuperat niveis in vecta Diana juvencis.  
Quam Venus, alma Venus pennatorum agmina Fratrum,  
Ac pharetratorum cuneos præcellit Amorum,  
Et tua Idumæa cumulare altaria messe  
Igne serenata & puris lucentia flammis  
Cuncter adhuc, segni gravis immoriarq; veterno?  
Hæc frons, iste cabronarum margo aureus, illud  
Os, hæc Pæstani certantia labra roseris,  
Clam me expirabunt iucundæ ignara Iuventæ?  
Non faciam, nisi me generosi pectoris ardor,  
Et fermentatæ fallit præsentia mentis,  
Ecquid enim à superis possimve ausimve precari,  
Ignea vis animi, vegetæq; in corpore vires  
Quod præstare, ratumq; negent fecisse volenti?  
Si libeat femori gladium religare nitentem,  
Aurea gemmatis lucebunt cingula bullis,  
Pallantemq; nigris rediisse Evandrium ab umbris,  
Ad coeli convexa vel ipse dixerit hostis.  
Si libet in campo Oebalia certare palæstra,

4

Atridas

Atridas remeasse putes, juresq; refractis  
 Tanariis portis superas venisse sub auras,  
 Quidquid quinquenni mirata est Græcia ludo.  
 Si libeat cursu ad longam contendere meram,  
 Carceribus citus effugiam, velut æquor apertum  
 Percurrit Notus Aeolio eluctatus ab antro.  
 Credas juratos proficisci ad prælia ventos,  
 Discordesq; ferum Martem inter fervere Fratres.  
 Quod si post isthæc certamina, ludicra quæris:  
 Nunc juvat in campum pictos educere Reges,  
 Atq; coloratis acies committere signis,  
 Nunc pugnae specie mutata, oculata fritilli  
 Alea multiplici variat discrimina lapsu.  
 Nec leviter certatur, amat victoria curam.  
 Quod si ita vincentem non unica symbola dicit,  
 Et redeat Domino positus cum foenore nummus,  
 Tum vero acer amor laudum atq; industria præsens  
 Mirificum eximio victori inducit acumen.  
 Quam tunc nutantem dubio in discrimine lusum  
 Arte suum fecisse juvat? quam tum afficit, ima  
 Margine si quandoq; hærens, curâ atq; sagaci  
 Emergas studio in primam dextro alite classem?  
 Quam recreat si, cui placidis Victoria pennis  
 Ad labra arrisit, tuus ad versarius orbas  
 Spes miser incuset, frustrataq; gaudia culpet?  
 Tuq; immaturos Sarcasmo explodere plausus  
 Composito incipias victorq; hostisq; duello?  
 Non ita post Thracas, post Sauromatasq; subactos  
 Mavors victor ovat, cum castris exiit hostem,  
 Et debellata statuit de gente trophæum,  
 Barbarico spolio exuviisq; indutus opimis.  
 Tale quid aut meus hic Infantum Antistitor, aut qui  
 Ætatem iactat mediam & Censoria jura  
 Arrogat ipse sibi, ad iucundum possidet usum?  
 Namq; illam exanguem marcescentemq; senectam

Vix

Vix libet ad numerum nostramq; reducere classem,  
 Quam Plutus facit & tutiosa Pecunia circum  
 Carnifices longo disponunt agmine curas:  
 Quæ sibi congestos auri pallentis acervos  
 Invidet, ac veluti tactis misera abstinet, olim  
 Defæcatorum ventrem expletura Nepotum?  
 Cui mille angores unus profeminat angor,  
 Sublimi forsati quem exclusit araneus ovo:  
 Quæ gravis ipsa sibi, sociisq; molestior horret  
 Quem sequitur: Nec iam vel de prænomine novit  
 Cum quo præterita cænavit nocte sodalem,  
 Salve ergo humanæ pulcherrima portio vitæ,  
 Flos, Venus, & succus mortalium, amænius ævum  
 Quo nullum datur in terris, aut gratior ætas,  
 Salve curarum Nepenthes, Gratia quarta,  
 Moerorum & Luctus Siren, Tu sola luvent s  
 Sincerae Fidei iucunda cœagula præstas,  
 Alcyoni angorum querulæq; simillima Prognos,  
 Te propter viret omne nemus, te propter eandem,  
 Eheu! quam inviti vitales linquimus auras!

## ÆTAS MEDIASIVE VIRILIS.

SI quisquam Iuvenes porca cadent e piandos,  
 Sæctentis & multo neciavit egere veratro,  
 Turgida cum exonerant nimio præcordia strichno,  
 Ille mihi Ellebori & rationis egere videtur.  
 Nam quis tam late Anticyras absorberit omneis,  
 Ut non his modis plures infundere possis?  
 Scilicet in bellis usum si præstet eundem  
 Vox pugnae, & verba fero prægnantia Marte,  
 Quem præstare solet peltis testudo rotundis  
 Nexilis, in fernæ arato quæ tergo celat,  
 Hæctoreas animas & prodigâ pectora vitæ:  
 Vel quæ præduro munitur machina ferro,

Et valid

Et validè impacto quatit hostica mænia cornu;  
 Jam tua Roma foret, tibi se Carthago volenti  
 Dederet, indigenasq; Deos migrare juberet,  
 Debellata tibi nudas Numantia palmas  
 Porrigeret, ferretq; tuo vexilla triumpho,  
 Devictas Aquilas, & nil immane tuentes  
 Amplius, ac clauso pacatos ore Dracones.  
 Sed quoniam junctis ubi concaluere maniplis  
 Corda virum, & sæva Mavors exæstuat ira,  
 Non verbis opus est, valido sed pectore, quiq;  
 Aratas acies generosa mole fatigent,  
 Hosticaq; Herculeis impellant agmina nervis,  
 Suffecturi orbi æthereo, si cælifer Atlas  
 Incipiat fessis humeris nutare, lacerti:  
 Vos ego (si nec dum fatuæ cum rheumate frontis  
 Cuncta mihi stolidæ influxit Prudentia lenæ)  
 Cum insulsa verborum ista sribligine, cunctos  
 Ad fustum & pressum jubeam migrare quasillum.  
 Ecquid enim, ruptis cum debacchatur habenis  
 Impietas victrix, & duro libera collo  
 Barbarico fastu sacras pessundare leges  
 Nititur, & toto virtutem excludere mundo:  
 Nonne viros tum bella vocant? pueriq; senesq;  
 Et nimis in trepidis rebus confusa Juventus  
 Tunc extra limen nunquam prodire jubentur.  
 Ergo aut supplicii Divorum exposcere pacem  
 Ad fana imbellesq; sacras mittuntur ad aras:  
 Vel quas insperata novo mutatio vultu  
 Ceritas veluti implevit terrore maritas  
 Solantur doctis factisq; ad talia verbis.  
 At nos interea arata sub casside cœli  
 Longam intemperiem tolerant, ardua sævo  
 Pectora pro vobis generosi opponimus hosti.  
 Quod si etiam addendum est geminas tibi fortiter aures  
 Quod radat, magno edicam attestante Propheta

Ipsiusq;

Ipsiusq; Dei secreto interprete Mose.  
 Principio, cum jam melior digestaq; moles.  
 Et vacuus vacuo penderet in aère mundus,  
 Immensorum operum Deus admirabilis auctor  
 Terrenam effigians cælesti pollice massam,  
 Non puerum, effœtumve senem, juvenemve creavit,  
 Sed constantem ætate virum, limoq; sequaci  
 Educta ante alias facies processit Adami.  
 Quod si ulla humanæ extollenda est portio vitæ,  
 Aut si quæ in terris potis est reperiri ætas  
 Digna homine, & laudes in se quæ absorbeat omnes,  
 Illa virilis erit virtutis mater & altrix.

### SENECTVS.

S Cilicet æternum hoc nobis Caccæthes inhæret  
 Hoc morosa animo insævitq; *Φιλανθία* nostro,  
 Quilibet vt proprias laudes ebuccinet, omnes  
 Præ se aspernatus tumidi de more Thraonis.  
 Hoc etiam primo nec dum loti ære puelli  
 Infantesq; sciunt, qui si cum compare certent  
 Fortè suo, geminis certatim atrollere palmis  
 Pro se quisque suas pupas & ludicra gaudet;  
 Gestit & in summum vectare crepundia cœlum.  
 Cum interea alterius semper sordere supellex  
 Dicitur, & pretii quanti est fluviatilis alga.  
 Hinc Eris & vetulis coram obstetricibus illa  
 Aetates inter lis disceptanda profecta est.  
 Quod si etiam ad Lydum res sit revocanda lapillum,  
 Dicam equidem pueros, & quæ illos excipit ætas  
 Ipsa sibi nimium indulgens plerumque Juventus,  
 Aevi omneis tædere sui: Et quem suggerit usum  
 Quæ cum maturis prudentia canuit annis  
 Aetati implorare suæ, Sic deniq; in orbem  
 Itur, & in nullo contenti vivimus ævo.  
 Hæcq; adeo ratio est ratione carere, nec illam

Cum

Cum de cuit iuxta legem usurpare decori,  
Hinc pueri imbelles & vix modo sensibus aucti,  
Prima quibus necdum coepit decessere vestis,  
Virgatis sagulis vestiri, habituq; virili  
Et picturata juvenari sindone mallent.  
Hinc juvenes ficta interdum gravitate virili  
Hoc ementitis sectantur moribus, unde  
Se jactare solet media & constantior ætas,  
Ecquid porro viros memorem, quibus unicus ille  
Ad solidæ laudis restare videtur acer vum  
Explendum grumus, quod necdum conspuit atrum.  
Illis parca caput niveis sapientia canis?  
Nos vero, quibus extinctas in corpore vires,  
Et præfocatos acciso robore nervos  
Vos juvenes fatuo nequidquam edicitis ore,  
Longè aliis, imò multo melioribus aucti  
Dotibus, haud equidem vestra illa athletica membra,  
Et qui vel pugiles possint decuisse lacertos  
Discupimus. Nam quod Natura tenore negavit.  
Cana sagaxq; suo, id nobis matura rependunt  
Consilia atq; usu docta experientia longo.  
Vos vero, quibus in juvenili corpore sanguen  
Bullit adhuc, calidæq; vegent à robore vires,  
Præcipiti rotat infelix Audacia lapsu,  
Hinc quod sæpe hodie fecistis præcoce ducti  
Consilio, cras infectum velletis haberi.  
Nos si quid facimus, rationum pondera primum  
Sumimus, ad doctum & rem totam expendimus unguem  
Iam quod vos vina & convivia Græca subinde  
In quartum protracta diem noctemve crepatis,  
Scilicet hoc Lapithas, hoc est laudare Lupercos,  
Et quæ thyrsiferas Bacchi gyrantur ad aras  
Infames vetulas ambubajasq; protervas,  
Non homines frugi, argilla aut meliore creatos.